



REVERENDISSIMO PATRI
IOANNI BAPTISTAE
RONCHÆ

à Placentia

TOTIVS MINIMORVM ORDINIS
APOSTOLICO GENERALI.



Fr. Angelus Vigus Minimus D. D. D.



Atlantem, antiquitatis ingeniosum commentum, cuius fortitudini tantum à Poetis tributum est, ut Mundum ipsum posset immota sustinere ceruice, febricitantium velut deliramentum, ab eruditis auribus procul arcendum existimarem, nisi Sapientissimos Vates non ignerarem fabularum integumentis sapientie miseria velare solitis, ut cum voluptate hominum mores informarent, ac virtutum decora commendatiora redderent, ipsi ab insipienti vulgo adeo nobili surreptis inuento. Ingeniosum plane potius, quam commentum, antiquioris eruditionis arcanum. Atlantem enim fortissimum, Orbis machinam humeris sustinentem existimarem ego sapientia præditum virum in dignitate constitutum, Prasulem numeris omnibus absolutum, qui capacissima mentis intelligentia, ac prudentie robore sua complectitur, & sustinet Machinam Religionis. Vniuersa nimirum Virtus est, suis ipsa fundamentis honestatis innixa, & diuino corroborata munimine, laboribus non succumbit, sed enutritur, sudoribus irrigatur, contemptu voluptatum inualescit, honestati immobiliter adherens honorem pariter, felicitatemque rebus præclare gestis affectat, difficillima quæque aggreditur, & perficit: victrix debellat ignauiam, inertie tenebras sua luce dispergit: Ei nihil arduum, cælum ipsum sustinere facillimum.